

MATARHLÉ

Uppskriftirnar okkar hafa mælst vel fyrir hjá lesendum og kitlað ótal bragðlauka vítt og breitt um bæinn. Að þessu sinni er það Elva Haraldsdóttir, sérkennsluráðgjafi hjá fjölskyldudeild, sem býður okkur upp á léttan og ljúffengan kjúklingarétt og gómsæta súkkulaðiköku í eftirrött.



Elva skorar á Rósu Mjöll Heimisdóttur á leikskólanum Krógabóli að töfra fram uppskrift í næsta tölublaði.

TACO-KJÚLLI

Hráefni: Aðferð:

4 kjúklingabringur
1 bréf Tacokrydd
1 dós Champel kjúklingasúpa
1 bréf rifinn cheddar ostur
Tacosósa í krukku (medium eða sterk eftir smekk)
Doritos flögupoki, gulur

Bringurnar brytjaðar og létt steiktar á pönnu. Súpunni, kryddinu, helm-ingnum af ostinum og flögunum blandað saman. Bringurnar settar út í og sett í eldfast mót. Afganginum af flögunum og ostinum stráð yfir. Bakað í ofni við 170°C í 30-40 mínútur.

FRÖNSK SÚKKULAÐIKAKA MEÐ FÍLAKARMELLUKREMI

Hráefni: Aðferð:

4 egg
2 dl sykur
200 gr smjörliki
200 gr Sírius súðusúkkulaði
1dl hveiti

Egg og sykur þeytt saman. Smjörliki og súkkulaði brædd saman og blandað við eggahræruna. Hveitinu blandað með sleif saman við.

Krem:
12 fílakaramellur
1dl rjómi

Rjómi og karamellur brædd saman og hellt yfir kalda kókuna. Svaka gott með rjóma og jarðaberjum!

Verði ykkur að góðu!

GOTT AÐ VITA

Orlof

Sólin hækkar á lofti og brátt liður að sumarorlofinu. Af þessu tilefni er hér að finna nokkrar gagnlegar upplýsingar um orlofið:

Orlofsárið er frá 1. maí - 30. apríl.
Sumarorlofstími er frá 15. maí - 30. september ár hvert.
Yfirmaður ákveður hvenær orlof skuli tekið í samráði við starfsmann en skylt er að verða við óskum starfsmanns ef því verður við komið.
Ef ekki er tekið orlof á orlofstíma að ósk yfirmanns þá á starfsmaður rétt á 33% lengingu orlofs.

Yfirlit yfir orlof á starfsmannavefnum <http://eg.akureyri.is>

Á starfsmannavefnum - <http://eg.akureyri.is> - getur starfsfólk fundið yfirlit yfir stöðu orlofs eins og það er skráð í SAP mannaúskerfi Akureyrarbæjar á hverjum tíma. Á vefnum er sýnt úttekið orlof síðastliðið orlofsár, einnig það orlof sem viðkomandi hefur áunnið sér fyrir núverandi orlofsár og að lokum það heildarorlof sem starfsmaður á rétt á.



Bæjarlistamaðurinn Anna Richards heimsótti starfsfólk Brims í hádeginu miðvikudaginn 11. febrúar og fékk góðar undirtektir þegar hún sýndi listir sínar í matsalnum, niðri á gólfu og uppi á borðum.



Útgefandi: Akureyrarbær
Ritstjóri: Ragnar Hólm Ragnarsson
Ritnefnd: Friðný Sigurðardóttir, Ingunn Helga Bjarnadóttir,
Ragnar Hólm Ragnarsson og Samúel Jóhannsson.
Netfang: akureyri@akureyri.is
Hönnun og umbrot: Stíll - Prentun: Ásprent

Innanbæjar KRÓNÍKA

2. tbl. 4. árg. STARFSMANNAFRÉTTIR AKUREYRARBÆJAR Mars 2009



Rafrænir launaseðlar – minni pappírnotkun

Frá og með 31. mars 2009 verða allir launaseðlar hjá Akureyrarbæ rafrænir og verða ekki lengur prentaðir og sendir heim til starfsfólks. Rafræna launaseðla getur starfsfólk nálgast á starfsmannavef bæjarins <http://eg.akureyri.is> og í heimabankanum sínum.

Til þess að fá aðgang að Starfsmannavef Akureyrarbæjar þarf að sækja um lykilorð á slóðinni <http://eg.akureyri.is> sem síðan er sent í heimabanka starfsmanns. Hafi starfsmaður ekki aðgang að heimabanka er hægt að nálgast lykilorðið hjá Starfsmannaþjónustu Akureyrarbæjar. Starfsfólk er hvatt til þess að nýta starfsmannavefinn, þar er að finna ýmsar upplýsingar auk rafrænna launaseðla, s.s. upplýsingar um orlof, veikindadaga og reikninga frá Akureyrarbæ.

Þeir sem óska eftir að fá senda pappírslauanaseðla geta sent slíka beiðni í tölvupósti á netfangið: launasedill@akureyri.is eða hringt í Starfsmannaþjónustu Akureyrarbæjar í síma 460-1060.

Með þessari umhverfisvænu aðgerð dregur Akureyrarbær verulega úr pappírnotkun og sparar einnig töluverða fjármuni í pappír- og sendingarkostnaði.

Af þessu leiðir að Innanbæjarkrónikan verður ekki lengur send heim til starfsfólks en fréttabréfinu verður áfram dreift á kaffistofur og það sent rafrænt með tölvupósti ásamt því að hægt er að nálgast Krónikuna í starfsmannahandbókinni á heimasíðu Akureyrarbæjar: www.akureyri.is/starfsmannahandbok.

GAMLA MYNDIN



Að ofan sjáum við merkilega mynd frá fyrri tíð og nú er einfaldlega spurt: Hvaða skip er verið að smíða og hvar? Sendið okkur rétt svar sem fyrst á netfangið akureyri@akureyri.is merkt Innanbæjarkrónikan: Myndagetraun. Í verðlaun fyrir rétt svar er 10 miða kort í Sundlaug Akureyrar.

Síðast var birt mynd af falletgu húsi og blómlegum garði og spurt hvar myndin væri tekin. Frést hefur að þónokkrir hafi farið í bíltúr um bæinn í leit að þessum garði og einna helst skyggst um eftir honum í brekkunum austur og niður af Fjórðungssjúkrahúsinu. Nokkur rétt svör við spurningunni bárust og var nafn Lilju Þóreyjar Jónsdóttur, starfsmanns á sambýlinu Dvergagili 40, dregið úr pottinum. Hún fær geisladiskinn Íslandsminni að launum.

Lilja Þórey skrifar: Gamla myndin að þessu sinni er af suðurhlíð gamla spítalans sem stóð við Spítalaveg. Hús þetta var rífið eftir að 1. hluti núverandi sjúkrahúss var byggður og efnið úr því notað til að byggja Skíðahótelíð í Hlíðarfjalli. Til fróðleiks má geta þess að stóri hvíti glugginn sem er lengst til vinstri á húsinu var á skurðstofunni. Garðurinn mun hafa tilheyrt sjúkrahúsinu, en sunnan hans var sálbaðsskýli fyrir sjúklinga. Þá má einnig geta þess að steinsteypt viðbygging sem reist var síðar norðan við spítalann stendur enn og er notað í dag sem íbúðarhús.


MOLAR



Fólksstraumur til Akureyrar

Í febrúar auglýstu Akureyrarstofa og ýmsir ferðaþjónustuaðilar í bænum „Vetrarfrí á Akureyri“ og var með því reynt að höfða til fjölskyldufólks á þéttbýlasta svæði landsins að koma til Akureyrar þegar vetrarfrí voru í flestum grunnskólum landsins. Efnahagsástandið í landinu og gengi krónunnar veldur því að fólk ferðast meira innanlands nú en áður og auglýsingarnar hafa eflaust einnig átt sinn þátt í því að til Akureyrar hefur legið stríður straumur fólks og nánast öll gistirými hafa verið fullbókuð um helgar.

Framundan er mikið og kærkomið annríki hjá ferðaþjónustuaðilum með Goðamótum, Andrésar andar leikum og sjálfum Páskunum en þá verður líkt og í fyrra boðið upp á sannkallað „Páskaævintýri á Akureyri“ þar sem öllu verður til tjaldað. Líklegt má telja að öll fyrri met í ferðamannastraumi til Akureyrar verði slegin þetta árið þrátt fyrir þrængingar í þjóðarbúskapnum. Fátt er svo með öllu illt að ekki boði nokkuð gott...



Bæjarstjórnarfundir á netið

Nú er unnið að því að koma upptökum frá fundum bæjarstjórnar Akureyrar á heimasíðu bæjarins og verður því verki lokið innan tíðar. Þá verður hægt að horfa á fundina á netinu fljótlega eftir að þeim er lokið og einnig að skoða alla fundi sem þegar hafa verið haldnir á árinu. Slóðin á fundina er <http://www.akureyri.is/stjorkerfid/bajarstjorn/fundir>.

HVAÐ ERTU AÐ GERA?



Karólína Baldvinsdóttir er hjúkrunardeildarstjóri á Kjarnalundi en þar búa 44 einstaklingar í hjúkrunar- og dvalarrýmum. Karólína hefur umsjón með hjúkrun, starfsmannahaldi og rekstri heimilisins. Hún sýnir á sér hina hliðina í Innanbæjarkrónikunni að þessu sinni.

Hvaðan ertu? Ég er fædd og uppalin á Akureyri.

Fjölskylduhagir? Ég er gift Björgvini Ólafssyni og á fjögur börn, Þorra 14 ára, Sunnu 8 ára, Þuru 4 ára og Óla Badda 2 ára.

Hvað finnst þér best við að búa á Akureyri? Rólegheitin, stuttar vegalengdir, fjölskyldan og vinirnir.

Hvaða bók lastu síðast og var hún góð? Ég er núna að lesa bók sem heitir „A million little pieces“ og hún lofar góðu.

Uppáhaldstónlist? Ég hlusta á nánast allt, notalegur gamall jass finnst mér frábær og klassísk íslensk dægurlög.

Uppáhaldsmatur? Humar.

Hver eru helstu áhugamál þín? Ég á frábærar vinkonur sem ég fer með í jassballet einu sinni í viku og svo hittumst við líka í kaffi a.m.k. einu sinni í viku. Ég geri mikið af handavinnu ýmiss konar, þrjóna, hekla, mála, sauma, þæfi og leira. Og svo horfi ég alltaf á Formúlu 1 og hlakka mikið til fyrstu keppinnar sem er eftir mánuð.

Hvað er eftirsóknaverðast í fari annarra? Einlægni.

Er Guð til? Örugglega í einhverri mynd eða hugmynd.

Hvert yrði þitt fyrsta verk ef þú værir einráð á Akureyri? Ég mundi hlúa betur að íbúunum í Kjarnalundi, kaupa baðkar með lyftu.